

彌勒菩薩說 無著菩薩造
大唐三藏法師 玄奘奉 詔譯
大唐 遁倫法師 集撰

瑜伽師地論 遁倫記

論本卷四之七 (3)

3-5 有尋有伺等三地

┌ 總說

###4

《瑜伽師地論》卷四

本地分中 有尋有伺等三地之一

第一章 總標列五門

九地境中分之爲三，上之二地明境體竟，此有尋有伺等三地是境相。下上粗細境相異故，是謂來意。

尋謂尋求，伺謂伺察。

或思或慧，於境推求，粗位名尋，即此二種，於境察審，細位名伺，非一刹那二法相應，一類粗細，前後異故。

今依彼法有無此二，建立三地，是謂釋名。

建立地體者，《釋論》三說：初說云：「此之三地，就二前

後相應建立無心地，說初之二地名有心地；故知下地諸色等法，皆名無尋無伺地。

●〔第二師〕云：「此三就二離欲建立故，此卷中既以離尋伺染，名無尋無伺地。故知隨應有彼染，故名初二地。第三正義。此三但就界地建立，此卷中說，欲界及初靜慮，若定、若生名有尋有伺地等；故知但依界地建立，徵破前師皆爲非正，會釋彼文並如彼說。」

問：《唯識》第七卷●〔護法〕約離欲，而立三地，與《釋論》所破●〔第二師〕義相似，如何會釋？

謂《釋論》破●〔第二師〕云：「已離欲者，下地諸法名無尋伺等；未離欲者，上地諸法應名有尋有伺等。」

由此應成雜亂過去。

●〔玄測法師〕又助難云：「若依離欲立三地者，中間根本同

縛同離，應成一地，有雜亂過。

▲解云：「《論》意自有兩釋：

▲一云：「●〔護法〕用第二說，以爲正義，而無兩失。下劣從上勝，離染名無伺等。上勝皆下劣，未離非伺等。故無前失。

又說：「離欲有其二時，謂加行及正離時。

今依加行，說「離欲言，故先離尋，後離伺欲，故無後失。

▲二云：「《唯識》說「離欲言，與《釋論》異，所以者何？欲有二種：

一、煩惱欲，謂貪瞋等。

二、自性欲，謂九地法，隨其自地，性不相厭義說爲欲。隨應上地，所有諸法，性厭下地義說離欲。

五十六云：「由彼有情於諸尋伺以性離欲，而離欲。彼地雖名無尋無伺，此後現行，亦無過失。

《釋論》●〔第二師〕依離煩惱欲，有前二過失。《識論》正義，依離自性欲說，故無兩失。

ㄩ 別釋

ㄩ 正解釋（缺解ㄣ）

ㄣ 總說

就此地中，大文分三：初、問，次、略答。後、云何界施設建立下，別釋前標。

然尋上下文勢，有三種頌：

一、是總頌，總別大章故。

二、是中頌，牒前章門，後細標列故，又說標列釋已，即以
一頌重收前義，亦名中頌。

三、是後頌，釋諸門義，總以一頌重收結故。

ㄩ 別釋

3 別釋前標(缺解 1-2)

┆ 界施設建立

┆ 總說

別釋五門中，解初界門有三：初、問，次、答八門，後、隨別釋。

2 別釋

3 隨別釋(缺解 1-2)

┆ 數建立

┆ 總說

壹、結前生後

已說意地。

貳、正解釋

云何有尋有伺地？云何無尋唯伺地？云何無尋無伺地？

一、頌

總嚧柁南曰：

界、相、如理、不如理，雜染等起最爲後。

二、長行

如是三地，略以五門施設建立：

- 一、界施設建立；
- 二、相施設建立；
- 三、如理作意施設建立；
- 四、不如理作意施設建立；
- 五、雜染等起施設建立。

第二章 界施設建立

（大正藏：冊 30，294b19）

壹、總標列

云何界施設建立？

別嚕柁南曰：

數、處、量、壽、受用、生，自體、因緣果、分別。

當知界建立由八種相：一、數建立；二、處建立；三、有情量建立；四、有情壽建立；五、有情受用建立；六、生建立；七、自體建立；八、因緣果建立。

貳、依次釋

一、數建立

（大正藏：冊 30，294b24）

（一）標墮界、非墮界

一、墮界

云何數建立？略有三界，謂欲界、色界、無色界。如是三種，名墮攝界。

二、非墮攝界

非墮攝界者：謂方便并薩迦耶滅，及無戲論無漏界。

(二) 別釋三地

一·墮攝

(一) 辨相

▷·有尋有伺地

此中，欲界及色界初靜慮，除靜慮中間若定、若生，名有尋有伺地。

◁·無尋唯伺地

即靜慮中間若定、若生，名無尋唯伺地，隨一有情由修此故，得為大梵。

○·無尋無伺地

從第二靜慮，餘有色界及無色界全，名無尋無伺地。

(2) 隨難釋

△·標簡

此中，由離尋伺欲道理，故說名無尋無伺地；不由不現行故。

□·釋因

(A) 由一類無

所以者何？未離欲界欲者，由教導作意差別故，於一時間亦有無尋無伺意現行。

(B) 由一類有

已離尋伺欲者，亦有尋伺現行，如出彼定及生彼者。

○·非墮攝

(一) 明有尋有伺地

若無漏界有為定所攝初靜慮，亦名有尋有伺地。依尋伺處法，緣真如為境，入此定故，不由分別「尋伺」現行故。

(2) 餘如前說

餘如前說。

第一數建立中分二：初標墮界非墮界，後此中欲界下別釋三地。

ㄩ 別釋

┌ 標墮界非墮界

ㄩ 非墮攝界（缺解┌）

非墮攝界者乃至無漏界者，●〔景師〕釋，謂方便道、資糧道、見修究竟，如是等道能趣涅槃，道諦所攝，故名方便。薩迦耶見者，名虛偽身，即染五蘊得對，除斷，是其擇滅及真如理滅。

言「無戲論界者，無漏種子不同名言戲論種子，名無戲論。

●〔基師〕又解：無戲論無漏界者，謂真如性離分別，無漏體故。

ㄩ 別釋三地

┌ 墮攝

┌ 辨相

┌ 有尋有伺地(缺解 2-3)

若定若生者，若得彼定，若生其中。

2 隨釋

┌ 標簡

此中由離尋伺欲道理故，說名無尋無伺地等者，《釋論》●〔第
二師〕引此爲證，未離尋伺染欲界；初定諸法假者，名有尋伺地；
靜慮中間諸法假者，已離尋染未離伺染名無尋唯伺地；二定已
上諸法假者，俱已離染並，名無尋無伺地，即顯欲界教導等差
別。

若已離欲，亦名無尋無伺地等。實義不然，此三但依界地建
立。謂欲界初定有漏無漏諸法聚中，尋伺可得，已離欲未離欲

法，皆名彼地等引。次上文爲證，不由有染名爲彼地，若已離染名非彼地。

若作此解，便大雜亂。故論云：「若無漏界有爲定所攝初靜慮，亦名有尋有伺地等，若就相應及離欲立三地別。

此等諸文皆有過失，廣如《釋論》。

此言由離尋伺欲，故名無尋無伺地者。

然唯說彼二定已上，無尋無伺，一地有漏無漏，皆彼定離尋伺染故，下地不然，不得以有染爲彼地故，無染便非，故唯說彼二定已上。

由此不說下之二地，隨離彼染即非彼地。

2 釋因

1 由一類無

教導作意者，謂在欲界住心無相無尋伺故。

2 由一類有

出彼定者，身在欲界已，離初定欲入無尋伺定，後出之時還起尋伺生彼者，若生二定等亦起下尋伺故。

2 非墮攝

1 明有尋有伺地

若無漏界有爲定所攝等者，如依初定起無分別智緣真如境，亦名有尋有伺地智；以依尋伺地起此智故，不由尋伺相應分別現行名有尋伺；以云：「證時離覺觀思惟分別故。」

是故，此位不可言說。

若依初定起後，得智爲衆說法，即與尋伺相應。

若無尋伺，即不能起風起語說法。

故《顯揚》第一卷云：「薄伽梵說，由依尋伺故發言說，非無尋伺。」

又《十地論》云：「何故淨覺人念智功德，具於諸上妙地有力不解釋。長行釋云：「淨覺即是起言說因也。」

ㄨ 餘如前說

言餘如前說者，上來分別離尋伺欲，故說名無尋無伺地，不由不行有尋有伺地心名無尋伺，即知未離尋伺欲，故名有尋有伺地，不由不行無尋無伺等心，故說名有尋有伺地。

ㄨ 處所建立

ㄒ 欲界

二、處所建立

(一) 欲界

一、辨所立

處所建立者：於欲界中，有三十六處。

(一) 那落迦處

▷ 辨二種

(A) 大那落迦

謂八大那落迦。何等為八？一、等活；二、黑繩；三、衆合；四、號叫；五、大號叫；六、燒熱；七、極燒熱；八、無間。此諸大那落迦處，廣十千踰繕那。

(B) 寒那落迦

此外復有八寒那落迦處。何等為八？一、皀那落迦；二、皀裂那落迦；三、喝嘶訖那落迦；四、郝郝凡那落迦；五、虎虎凡那落迦；六、青蓮那落迦；七、紅蓮那落迦；八、大紅蓮那落迦。

B. 明邊際

從此下三萬二千踰繕那，至等活那落迦。

從此復隔四千踰繕那，有餘那落迦。

如等活大那落迦處，初寒那落迦處亦爾。

從此復隔二千踰繕那，有餘那落迦應知。

(2) 餓鬼處

又有餓鬼處所。

(3) 非天處

又有非天處所。

(4) 人天處

傍生即與人天同處，故不別建立。

▷ 攝傍生趣

⊂ 辨人天趣

(A) 人

復有四大洲如前說；復有八中洲。

(B) 天

⊂ 總標列

又欲界天有六處：一、四大王衆天；二、三十三天；三、時分天；四、

知足天；五、樂化天；六、他化自在天。

○·明所攝

復有摩羅天宮，即他化自在天攝，然處所高勝。

○·攝其餘

(一) 那落迦攝

復有獨一那落迦、近邊那落迦，即大那落迦及寒那落迦，以近邊故，不別立處。

(二) 人中攝

又於人中亦有一分，獨一那落迦可得。如尊者取菘豆子說：「我見諸有情，燒然、極燒然、遍極燒然，總一燒然聚。」

○·總結數

如是等三十六處、總名欲界。

(二) 色界

一·總標

復次，色界有十八處。

○·別列

(一) 初靜慮攝

謂梵衆天、梵前益天、大梵天，此三由軟中上品，熏修初靜慮故。

(二) 第二靜慮攝

少光天、無量光天、極淨光天，此三由軟中上品，熏修第二靜慮故。

(三) 第三靜慮攝

少淨天、無量淨天、遍淨天，此三由軟中上品，熏修第三靜慮故。

無雲天、福生天、廣果天，此三由軟中上品，熏修第四靜慮故。

(十) 第四靜慮攝

▽ 異生

(A) 顯生處

(B) 攝無想

無想天，即廣果攝，無別處所。

▽ 諸聖

(A) 顯生處

復有諸聖，住止不共五淨[居天]宮地，謂無煩、無熱、善現、善見及色究竟。

(B) 辨修因

由軟、中、上、上勝上極品雜熏修第四靜慮故。

○ 菩薩

(A) 顯生處

復有超過淨宮，大自在住處。

(B) 辨修因

有十地菩薩、由極熏修第十地故，得生其中。

(三) 無色界

復次，無色界有四處所，或無處所。

第二處所中，言「從此下三萬二千踰繕那至等活等者，

●〔基師〕解：此文意說，地平之下三萬二千踰繕那方至等活，等活廣十千踰繕那；次下過四千踰繕那方至黑繩，黑繩下二千

至衆合，如是八那落迦皆廣十千，下六地獄相去皆二千，無間地獄底去地平計一十二萬八千踰繕那，蘇迷盧山入水八萬，此乃過彼四萬八千，以此準知。八熱地獄深於俱舍，彼說無間底去地平四萬踰繕那，彼說水輪雖深八億，依風輪上，金輪復厚三億二萬在水輪上，故妙高山據彼金輪。

今者「大乘」金在水下，次據金輪，水在金上，雖不言深數，無間之底既計一十二萬八千踰繕那，妙高入水但言八萬，明知妙高不據金輪，半上半下水中浮住。

●備公

▲解云：「今依此論，上八地獄高之由旬各有四千，故從此洲至等活地獄上有三萬二千由旬，下自據之量四千由旬，餘七地獄向下而住各據四千，凡八箇四千合三萬二千由旬，等活向上復有三萬二千由旬，合有六萬四千由旬，猶有一萬六千由旬

不至金地。

上文但云：「諸地獄廣十千由旬不言豎量又各四千。

是故，八獄豎各四千廣十千，八獄上下重疊而住。

▲又解：論師既立廣量十千，即知高量亦各十千由旬，依此而言，從此平地向下，而入過三萬二千量至等活地獄，等活地獄縱廣十千，十千已下復隔四千有餘七獄橫布而住，不得上下比次安布，何者？以從平地向金地輪但深八萬，從上向下既，除三萬二千之外方有八獄，唯有四萬八千由旬地，如何上下得受八獄各高萬由旬故。

如等活至亦爾者，●〔泰〕云：「依〔薩婆多〕，此八地獄即立熱八大地獄邊，無有別處。

〔正量部〕云：「在鐵輪山臨風水輪，無日月光冷氣所衝。

●〔備〕云：「還從平地向下過三萬三千量有初寒獄，從此復

隔二千由旬，七地獄高各二千上下如重。

▲又解：八寒地獄高廣各十千，從此入地過三萬二千量有初寒獄，向下復隔二千由旬有七寒獄周圍傍住，燒然等三，少分多分全分別也。一聚者不見形容，但見一聚火相故。

ㄨ 色界

辨色界處中，凡論修禪有三：

一、唯有漏熏下四定。

二、唯無漏八地以上變易生死。

三、有漏無漏，如五淨居業雖凡位而造，由今無漏資有漏定，更助故業令勝上生。

言「復有超過淨宮至得生其中者，●景云：「如他化自在天上，復有摩羅天宮，即言處所高勝。

然即他化自在天攝。

今五淨居天上，直言復有超過淨居宮大自在住處，十地菩薩得生其中，不言即色究竟天攝，明知非地所攝。

●〔基〕云：「即凡夫位所造廣果天處業，將入第八地生廣果天，無漏極熏資彼先時後報業，至第十地滿心方生於彼。云：「現報利益受佛位故，後報利益魔醯首羅智處生故。」

此言生者，以練粗果轉勝得妙，故名爲生，非無漏心，有命終受生之理。

Ω 無色界

無色界有四處所者，有四蘊根，四空壽命長短不同故。

或無處所者，無別宮宅，上下參差故。

Ω 有情量建立

三、有情量建立

（披尋記：冊1，頁113~114；大正藏：冊30，295a15）

（一）辨有色界

一·人

有情量建立者謂：

瞻部洲人身量不定，或時高大、或時卑小，然隨自肘三肘半量。東毘提訶身量決定，亦隨自肘三肘半量，身又高大。如東毘提訶，如是西瞿陀尼、北拘盧洲，身量亦爾，轉復高大。

〔天〕

〔一〕欲界

四大王衆天身量，如拘盧舍四分之一。

三十三天身量，復增一足。

帝釋身量，半拘盧舍。

時分天身量，亦半拘盧舍。

此上一切，如欲界天身量，當知漸漸各增一足。

〔二〕色界

梵衆天身量半踰繕那，梵前益天身量一踰繕那，大梵天身量一踰繕那半，少光天身量二踰繕那。

此上一切餘天身量，各漸倍增。除無雲天，應知彼天減三踰繕那。

〔三〕那落迦等

又大那落迦身量不定，若作及增長極重惡不善業者，彼感身形其量廣大，餘則不爾。

如大那落迦，如是寒那落迦、獨一那落迦、近邊那落迦、傍生、餓鬼亦爾。

〔四〕非天

諸非天身量大小，如三十三天。

(二) 簡無色界

當知無色界無有色故，無有身量。

第三有情量中，西北身量，轉復高大者，《俱舍》頌云：「
瞻部洲人量，三肘半四肘。

東西北洲人，倍倍增如次。

彼說：此洲或三肘半四肘，東洲八肘，西洲十六肘，北洲三十
二肘。

今說「博大不言倍增，以不定故，三十天增一足，謂分一俱
盧舍爲四分之中一分，復分爲四分，增此一分，故言一足，

●〔基〕又云：「更有一釋，言「一足者，即俱盧舍分爲四分，
一分中復分爲三，」是此二中之一分故言一足。即顯知足天身半
俱盧舍餘半分，樂化天一俱盧舍中三分，他化天身三分餘半減

一俱盧舍也。與《俱舍》不同。

彼云：「欲天俱盧舍四分一一增。

然時分天地空之際業果，難勝故，同帝釋。

▲今解，帝釋住地居之頂，感報殊勝能及時分。

問：何故欲天壽量倍增身不爾、耶？

答：人壽爲之所極悕望，身則不然故。

▲又解：身量以外，亦有粗妙等多差別，互有得失，壽量以外，更無餘能，故一向倍增也。

色天身量，同難心。大梵身量，不倍前益者，以尋有無際業果，難勝故。無雲減三者，以離變異受定難修故，三惡趣身大小不定，隨業增微身大小，則知無間身量未必八萬。

然有經論說，遍獄量，據最大說。

▶有情壽建立

四、有情壽建立

(一) 別辨壽量

一·欲界

(一) 人

壽建立者：

謂瞻部洲人，壽量不定，彼人以三十日夜爲一月，十二月爲一歲，或於一時壽無量歲，或於一時壽八萬歲，或於一時壽量漸減乃至十歲。

東毘提訶人，壽量決定二百五十歲。

西瞿陀尼人，壽量決定五百歲。

北拘盧洲人、壽量決定千歲。

(2) 天

又人間五十歲，是四大王衆天一日一夜；以此日夜，三十日夜爲一月，十二月爲一歲；彼諸天衆壽量五百歲。

人間百歲，是三十三天一日一夜，以此日夜，如前說，彼諸天衆壽量千歲。如是所餘乃至他化自在天，日夜及壽量，各增前一倍。

(3) 八大那落迦

▲又四大王衆天滿足壽量，是等活大那落迦一日一夜，即以此三十日夜爲一月，十二月爲一歲，彼大那落迦，壽五百歲。

▲以四大王衆天壽量，成等活大那落迦壽量；

如是以三十三天壽量，成黑繩大那落迦壽量；

以時分天壽量，成衆合大那落迦壽量；

以知足天壽量，成號叫大那落迦壽量；

以樂化天壽量，成大號叫大那落迦壽量；
以他化自在天壽量，成燒熱大那落迦壽量，應知亦爾。

▲極燒熱大那落迦有情，壽半中劫。

▲無間大那落迦有情，壽一中劫。

(4) 非天

非天壽量如三十三天。傍生、餓鬼壽量不定。

(5) 八寒那落迦

又寒那落迦，於大那落迦次第相望，壽量近半應知。

(6) 近邊等落迦

又近邊那落迦、獨一那落迦，受生有情，壽量不定。

2. 色界

▲梵衆天壽二十中劫[爲]一劫，梵前益天壽四十中劫[爲]一劫，大梵天壽六十中劫[爲]一劫，少光天壽八十中劫[爲]一劫，[有]二劫。

▲自此以上，餘色界天壽量相望，各漸倍增。

▲唯除無雲，當知彼天壽減三劫。

3. 無色界

空無邊處壽二萬劫，識無邊處壽四萬劫，無所有處壽六萬劫，非想非非想處壽八萬劫。

(二) 料簡差別

一. 中天有無

除北拘盧洲；餘一切處，悉有中夭。

2. 滓身有無

又人、鬼、傍生趣，有餘滓身；天及那落迦，與識俱沒，無餘滓身。

第四壽建立中，無色壽命，有倍不倍者，如《婆沙》八十四卷云：「問：何故無色壽量有倍增者有增半者有增少分者耶？」

答：如異熟因有爾所力還受爾所異熟果故，復次空識無邊處有無邊行相亦有異行相，謂空無邊處無邊行相招萬劫壽，餘行相亦招萬劫壽，識無邊處無邊行相招二萬劫壽，餘行相亦招二萬劫壽，此上更無無邊行相，唯有異行相，故彼壽量不倍增下。

然無所有處別有摧伏我我所等勝善觀行，異於異地，由彼善招二萬劫壽故，餘行相所招壽量亦倍倍增。復次空識無邊處有奢摩他毘鉢舍那，謂空處奢摩他招萬劫壽，毘鉢舍那亦招萬劫

壽，識處二行各招二萬壽，此上無勝慧唯有定，故彼壽量不倍增下，餘如前說。

復次四無色地皆無多種功德故，二等有二萬劫壽，上三無色離下地染有少故倍倍增壽，謂識處已離下一無色地染招二萬劫壽，并本二萬爲四萬劫，無所有處已離下二無色地染招四萬劫壽，并本二萬爲六萬劫，非想處已離下三無色地染招六萬劫壽，并本二萬爲八萬劫，除北俱盧洲餘一切處悉有中夭者，若「小乘」說云：「一切三界皆有中夭，唯除單越、無想天最後身菩薩。」

今此文雖不說最後身菩薩無中夭事，理必應有。故下文云：「非自害非他害者一切那落迦乃至住最後身菩薩。」

然位「大乘」，最後身菩薩多據化相非實後身。

若據實者，初地已上即無中夭，何須遠說後菩薩無中夭耶？

故知下文說，彼後身菩薩無中天者，是權非實。

故此不論。

無想天者，依《決擇》說有其三種，若下因感必定中天，若中業感或有中天或無中天，若上業感無中天，有斯進退故此不論，以北拘盧一切皆修無我所業得果決定無中天。

故此中偏說。

ㄅ 有情受用建立

ㄆ 總說

第五、受用中分二：初標三門，後隨別釋。

ㄇ 別釋

ㄎ 隨別釋（缺解ㄆ）

┌ 總說

別釋中，先明受用苦樂，文分爲二：

一、明四受苦。

二、又於四種那落迦中無有樂受下，明受樂。

三、又由六種殊勝故苦樂殊勝下，總明苦樂勝劣差別。

四、復次三界有情所依依身下，勸厭三界欣求無漏。

┌ 別釋

┌ 受用苦樂

┌ 明四受苦

┌ 總說

五、有情受用建立

(一) 標三門

〔5〕受用建立者：略有三種，謂：受用苦樂、受用飲食、受用婬欲。

(二) 隨別釋

1. 苦樂受用

(披尋記：冊1，頁115~133；大正藏：冊30，295c9)

(一) 明四受苦

▷ 明三界苦

(A) 明欲界苦

B. 略明五趣苦

受用苦樂者謂：

那落迦有情多分受用極治罰苦；

傍生有情多分受用相食噉苦；

餓鬼有情多分受用極飢渴苦；

人趣有情多分受用匱乏追求種種之苦；

天趣有情多分受用衰惱墜沒之苦。

○·廣明五趣苦

大那落迦趣

◎八大那落迦

※等活那落迦

又於等活大那落迦中，多受如是極治罰苦。

謂彼有情多共聚集業增上生，種種苦具次第而起，更相殘害、悶絕躄地。

次虛空中有大聲發唱如是言：「此諸有情可還等活！可還等活！」次彼有情

欬然復起，復由如前所說苦具更相殘害。

由此因緣長時受苦，乃至先世所造一切惡不善業，未盡未出。

故此那落迦名為等活。

※黑繩那落迦

又於黑繩大那落迦中，多受如是治罰重苦。

謂彼有情多分為彼所攝，獄卒以黑繩拑之，或為四方，或為八方，或為種種

圖畫文像，彼既拑已，隨其處所，若鑿、若斫、若斫、若刺。

由如是等種種因緣，長時受苦，乃至先世所造一切惡不善業未盡未出。

故此那落迦，名爲黑繩。

※眾合那落迦

又於眾合大那落迦中，多受如是治罰重苦：

▲謂彼有情或時展轉聚集和合，爾時便有彼攝獄卒，驅逼令人兩鐵犍頭大山之間；彼既入已，兩山迫之，既被迫已，一切門中血便流注。如兩鐵犍頭，如是兩鐵抵頭、兩鐵馬頭、兩鐵象頭、兩鐵師子頭、兩鐵虎頭亦爾。

▲復令和合置大鐵槽中，便即壓之，如壓甘蔗。既被壓已，血便流注。

▲復和合已，有大鐵山從上而墮，令彼有情，蹙在鐵地，若斫若刺、或擣或裂，既被斫刺及擣裂已，血便流注。

由此因緣，長時受苦，乃至先世所作一切惡不善業，未盡未出。故此那落迦，名爲眾合。

※號叫那落迦

又於號叫大那落迦中，多受如是治罰重苦。

▲謂彼有情尋求舍宅，便入大鐵室中。彼纔入已，即便火起；由此燒然、若極燒然、遍極燒然；既被燒已，苦痛逼切，發聲號叫。

由此因緣長時受苦，乃至先世所造一切惡不善業，未盡未出。故此那落迦，名爲號叫。

※大號叫那落迦

又於大號叫大那落迦中，所受苦惱與此差別。

謂彼室宅，其如胎藏。

故此那落迦，名大號叫。

※燒熱那落迦

又於燒熱大那落迦中，多受如是治罰重苦：

▲謂彼所攝獄卒，以諸有情，置無量踰繕那熱、極熱、遍極燒然大鐵蓋上，左右轉之，表裏燒。

▲又如炙魚，以大鐵弗從下貫之，徹頂而出，反覆炙之；令彼有情諸根毛孔及以口中、悉皆焰起。

▲復以有情置熱、極熱、遍極燒然，大鐵地上，或仰或覆，以熱、極熱，遍極燒然，大鐵椎棒，或打或築，遍打遍築，令如肉搏。

由此因緣，長時受苦，乃至先世所造一切惡不善業，未盡未出。故此那落迦，名爲燒熱。

※極燒熱那落迦

又於極燒熱大那落迦中，所受苦惱與此差別。

▲謂以三支大熱鐵弗從下貫之，徹其兩膊及頂而出，由此因緣，眼、耳、鼻、口及諸毛孔、猛焰流出。

▲又以熱、極熱，遍極燒然，大銅鐵鏝，遍裹其身。

▲又復倒擲置熱、極熱、遍極燒然，彌滿灰水大鐵鑊中，而煎煮之，其湯涌沸，令此有情隨湯飄轉，或出或沒，令其血肉及以皮脈悉皆銷爛，唯骨瑣在，尋復漉之，置鐵地上，令其皮肉及以血脈復生如故，還置鑊中。

▲餘如燒熱大那落迦說。

由此因緣，長時受苦，乃至先世所造一切惡不善業，未盡未出。故此那落迦，名極燒熱。

※無間那落迦

又於無間大那落迦中，彼諸有情恒受如是極治罰苦：

▲謂從東方多百踰繕那，燒熱、極燒熱、遍極燒然，大鐵地上，有猛熾火，騰焰而來；刺彼有情，穿皮入肉，斷筋破骨，復徹其髓，燒如脂燭，如是舉身，皆成猛焰。

▲如從東方，南、西、北方亦復如是。

由此因緣，彼諸有情與猛焰和雜，唯見火聚從四方來，火焰和雜，無有間隙，所受苦痛，亦無間隙，唯聞苦逼號叫之聲，知有衆生。

▲又以鐵箕，盛滿燒然、極燒然、遍極燒然，猛焰鐵炭，而簸剪之。

▲復置熱鐵地上，令登大熱鐵山，上而復下，下而復上。

▲從其口中，拔出其舌，以百鐵釘、釘而張之，令無皺，如張牛皮。

▲復更仰臥熱鐵地上，以熱燒鐵鉗，鉗口令開，以燒然、極燒然，遍極燒然大熱鐵丸，置其口中，即燒其口及以咽喉，徹於府藏，從下而出。

▲又以洋銅而灌其口，燒喉及口，徹於府藏，從下流出。

▲所餘苦惱，如極熱說。

由此因緣，長時受苦，乃至先世所造一切惡不善業，未盡未出。

故此那落迦，名爲無間，多是造作無間之業，來生是中。但略說麤顯苦具，非於如是大那落迦中，所餘種種衆多苦具而不可得。

◎近邊那落迦

又於近邊諸那落迦中，有情之類受用如是治罰重苦。

謂彼一切諸大那落迦，皆有四方、四岸、四門鐵牆圍邊。從其四方、四門出已，其一一門外有四出園。謂：

① 糖煨齊膝。彼諸有情出求舍宅，遊行至此，下足之時，皮肉及血並即消爛，舉足還生。

② 次此糖煨，無間即有死屍糞泥，此諸有情爲求舍宅，從彼出已，漸漸遊行，陷入其中首足俱沒；又屍糞內多有諸蟲，名孃矩吒，穿皮入肉，斷筋破骨，取髓而食。

③ 次屍糞，無間有利刀劍，仰刃爲路，彼諸有情爲求舍宅，從彼出已，遊行至此，下足之時，皮肉筋血悉皆消爛，舉足之時，還復如故；

△次刀劍刃路、無間有刃葉林，彼諸有情爲求舍宅，從彼出已，往趣彼蔭，纔坐其下，微風遂起，刃葉墮落，斫截其身一切支節，便即斃地；有黑釐狗、掣脊胎而噉食之。

△從此刃葉林，無間有鐵設拉末梨林，彼諸有情爲求舍宅，便來趣之，遂登其上，當登之時，一切刺鋒悉迴向下，欲下之時，一切刺鋒復迴向上，由此因緣，貫刺其身，遍諸支節；

爾時便有鐵〔此束〕大鳥，上彼頭上，或上其膊，探啄眼睛而噉食之。

④從鐵設拉末梨林，無間有廣大河，沸熱灰水，彌滿其中，彼諸有情尋求舍宅，從彼出已，來墮此中，猶如以豆，置之大鑊，然猛熾火而煎煮之，隨湯騰涌，周旋迴復。於河兩岸有諸獄卒，手執杖索及以大網，行列而住，遮彼有情，不令得出，或以索罽，或以網漉。

復置廣大熱鐵地上，仰彼有情，而問之言：「汝等今者，欲何所須？」如是答言：「我等今者竟無覺知，然爲種種飢苦所逼。」

時彼獄卒，即以鐵鉗鉗口令開，便以極熱燒然鐵丸，置其口中，餘如前說。若彼答言：「我今唯爲渴苦所逼。」

爾時獄卒，便即洋銅以灌其口。

由是因緣，長時受苦，乃至先世所造一切能感那落迦惡不善業，未盡未出。此中，若刀劍刃路、若刃葉林、若鐵設拉末梨林，總之爲一，故有四園。

◎八寒那落迦

又於寒那落迦受生有情，多受如是極重寒苦。

※八寒那落迦

謂八寒那落迦中，受生有情，即為彼地極重廣大寒觸所觸，一切身分悉皆卷縮，猶如瘡胞；故此那落迦，名八寒那落迦。

※八寒那落迦

胞裂那落迦與此差別，猶如胞潰，膿血流出，其瘡卷皺，故此那落迦，名為胞裂。

※喝嘶訖等三那落迦

又喝嘶訖、郝郝凡、虎虎凡，此三那落迦，由彼有情（之）苦音差別，以立其名。

※青蓮那落迦

青蓮那落迦中，由彼地極重廣大寒觸所觸，一切身分悉皆青瘀，皮膚破裂或五或六。故此那落迦，名曰青蓮。

※紅蓮那落迦

紅蓮那落迦與此差別，過此青已，色變紅赤，皮膚分裂，或十、或多；故此那落迦，名曰紅蓮。

※大紅蓮那落迦

大紅蓮那落迦與此差別，謂彼身分極大紅赤，皮膚分裂，或百、或多；故此

那落迦，名大紅蓮。

◎獨一那落迦

又獨一那落迦中，受生有情，各於自身自業所感，多受如是種種大苦。如《吉祥問採菘豆子經》中廣說；故此那落迦，名爲獨一。

傍生趣

又傍生趣，更相殘害，如羸弱者爲諸強力之所殺害，由此因緣，受種種苦。

以不自在，他所驅馳，多被鞭撻，與彼人天爲資生具，由此因緣，具受種種極重苦惱。

餓鬼趣

又餓鬼趣略有三種：一者、由外障礙飲食；二者、由內障礙飲食；三者、飲食無有障礙。

◎由外障礙飲食

云何由外障礙飲食？

謂彼有情，由習上品慳故，生鬼趣中，常與飢渴相應；

皮肉血脈皆悉枯槁，猶如火炭，頭髮蓬亂，其面黯黑，脣口乾焦，常以其舌，舐略口面；

飢渴惶惶，處處馳走；所到泉池，爲餘有情手執刀杖及以胃索，行列守護，

令不得趣；或強趣之，便見其泉變成膿血，自不欲飲；如是等鬼，是名由外障礙飲食。

◎由內障礙飲食

云何由內障礙飲食？

謂彼有情，口或如針，口或如炬，或復頸癭、其腹寬大，由此因緣，縱得飲食，無他障礙，自然不能若噉、若飲；如是等鬼，是名由內障礙飲食。

◎飲食無有障礙

云何飲食無有障礙？

謂有餓鬼，名猛焰鬘，隨所飲噉皆被燒然，由此因緣，飢渴大苦，未嘗暫息。復有餓鬼，名食糞穢，或有一分，食糞飲溺；或有一分，唯能飲噉極可厭惡生熟臭穢，縱得香美而不能食；或有一分，自割身肉而噉食之，縱得餘食，竟不能噉。

如是等鬼，是名飲食無有障礙。

(P) 人趣

又人趣中，受生有情，多受如是匱乏之苦。

◎匱乏之苦

所謂俱生飢渴匱乏之苦、所欲不果匱乏之苦、羸疏飲食匱乏之苦、逼切追求攝受等匱乏之苦、時節變異若寒若熱匱乏之苦、無有舍宅覆障所作淋漏匱乏之苦、黑闇等障所作事業皆悉休廢匱乏之苦。

◎老病死苦

又受變壞老病死苦；由那落迦中謂死爲樂，故於彼趣不立爲苦。

(9) 天趣

◎欲界諸天

※死墮苦

又天趣中無解支節苦，而有死墮苦。如經中說：「有諸天子將欲沒時，

五相先現：一、衣無垢染，有垢染現；二、鬢舊不萎，今乃萎瘁；三、兩腋汗流；四、身便臭穢；五、天及天子不樂本座。」

時彼天子偃臥林間，所有姝女與餘天子共爲遊戲，彼既見已，由此因緣，生大憂苦。

※陵蔑苦

復受陵蔑悚慄之苦。所以者何？由有廣大福聚成就及廣大五欲天子生時，所餘薄福諸舊天子，見已惶怖，由此因緣，受大憂苦。

※斫截等苦

又受斫截破壞驅擯殘害之苦。所以者何？

斫截破壞苦

由天與非天共戰諍時，天與非天互相違拒，即執四仗，所謂金、銀、頗胝、琉璃、共相戰鬥；爾時諸天及與非天，或斷支節，或破其身，或復致死；若傷身斷節，續還如故，若斷其首，即便殞沒。天與非天，互有他勝，然天多勝，力勢強故；然其彼二，若爲他勝，即退入

初、明三界苦，後明無漏非苦。

ㄩ 別釋

┌ 明三界苦(缺解ㄩ)

└ 總說

前中復二；初、明欲界苦，後、辨色無色苦。

ㄩ 別釋

┌ 明欲界苦

└ 總說

欲界中分二：

初、略明五趣苦；後、又於等活下，廣明五趣苦。

ㄩ 別釋

┌ 廣明五趣苦(缺解┌)

└ 總說

就廣明中，先明地獄苦，文分爲四：

一、解大那落迦。

二、近邊。

三、寒。

四、孤獨。

〽 別釋

〽 近邊（缺解）

近邊中，孃短吒者，此云「糞尿蟲，觜如鍼，故名鍼口出，身長一尺，身白頭黑，此蟲及狗鳥獄卒等，諸宗不同，「薩婆多」師「經部」「大乘」說是非情。

然少差別，「上座部」師說爲情類。設拉末梨，狀如皂莢樹形，多諸刺故，地獄唯在此洲下，若餘二洲斷善作無間業來此受苦。《婆沙》說：三洲皆有邊地獄及獨一地獄。有說言「：二洲有

此二地獄，非北洲，淨樂處故。

ㄐ 孤獨

吉祥者，諸漫殊室利也。

蘇陀味者，天中有樹，出四食味，名云蘇陀，所謂青黃赤白色。

ㄒ 辨色無色苦

無色界有煩惱故，有障故等者，

●〔基師〕解：由有煩惱故，死不自在尚有死，由有障即長壽天難故於住，正法不自在。

▲今解，約惑業報，以顯無堪任義也。

ㄓ 明受樂

ㄔ 總說

自下第二明受樂中分三：三界別故，初在此卷，後二在第五，

又於四種那落迦中，無有樂受；如那落迦中，三種餓鬼中亦爾。

(2) 明受樂

▷ 簡那落迦、餓鬼

⊖ 顯餘趣

(A) 有苦雜

諸大力鬼、傍生、人中，有外門所生資具樂可得，然為眾苦之所相雜。

(B) 無苦雜

⊖ 人趣輪王

總顯彼樂

又人趣中，轉輪王樂最勝微妙，由彼輪王出現世時，有成就七寶自然出現，故說彼王具足七寶。

何等為七？所謂輪寶、象寶、馬寶、末尼珠寶、女寶、主藏臣寶、主兵臣寶。爾時輪寶等現，其相云何？七寶現相，如經廣說。

釋彼種類

◎ 王四洲者

若彼輪王王四洲者，一切小王望風順化，各自自言：某城邑聚落，天之所有，唯願大王垂恩教敕，我等皆當為天僕隸。

爾時輪王便即敕令：汝等諸王！各於自境，以理獎化，當以如法，勿以非法！又復汝等於國於家，勿行非法行、勿行不平等行！

◎ 王三洲者

若彼輪王王三洲者，先遣使往，然後從化。

◎ 王二洲者

若彼輪王王二洲者，興師現威，後乃從化。

◎王一洲者

若彼輪王王一洲者，便自往彼，奮戈揮刃，然後從化。

○·三界諸天

欲界

◎列種種

※正說諸天

▲復次，諸天受其廣大天之富樂；

形色殊妙，多諸適悅，於自宮中而得久住。

其身內外皆悉清潔，無有臭穢。

又人身內多有不淨，所謂塵垢、筋骨、脾腎、心肝；彼皆無有。

▲又彼諸天有四種宮殿，所謂金、銀、頗胝、琉璃所成，種種文綵，綺飾莊

嚴，種種臺閣、種種樓觀、種種層級、種種窗牖、種種羅網、皆可愛樂，

種種末尼以爲綺鈿，周匝放光，共相照曜。

△復有食樹，從其樹裏出四食味，名曰蘇陀，所謂青、黃、赤、白。

△復有飲樹，從此流出甘美之飲。

△復有乘樹，從此出生種種妙乘，所謂車輅、輦輿等。

△復有衣樹，從此出生種種妙衣，其衣細軟，妙色鮮潔，雜綵間飾。

△復有莊嚴具樹，從此出生種種微妙莊嚴之具，所謂末尼、臂印、耳璫、環

釧、及以手足綺飾之具，如是等類諸莊嚴具，皆以種種妙末尼寶，而間飾

之。

△復有熏香鬘樹，從此出生種種塗香、種種熏香、種種花鬘。

△復有大集會樹，最勝微妙，其根深固五十踰繕那，其身高挺百踰繕那，枝条及葉遍覆八十踰繕那；雜花開發，其香順風熏百踰繕那，逆風熏五十踰繕那，於此樹下三十三天，雨四月中，以天妙五欲共相娛樂。

△復有歌笑舞樂之樹，從此出生歌笑舞等種種樂器。

△又有資具之樹，從此出生種種資具，所謂食飲之具、坐臥之具、如是等類種種資具。

▲又彼諸天，欲受用時，隨欲隨業，應其所須，來現手中。

※兼顯非天等

▲又諸非天，隨其所應，受用種種宮殿富樂應知。

▲又北拘盧洲有如是相樹，名曰如意；彼諸人衆所欲資具，從樹而取，不由思惟，隨其所須，自然在手；復有粳稻，不種而穫。無有所。

又彼有情，竟無繫屬，決定勝進。

◎顯殊勝

※依特相攝

宮殿殊勝

又天帝釋有普勝殿，於諸殿中最為殊勝，仍於其處有百樓觀，一一樓觀有百臺閣，一一臺閣有七房室，一一房室有七天女，一一天女有七侍女。

地界殊勝

又彼諸天，所有地界，平正如掌，竟無高下，履觸之時，便生安樂，下足之時，陷便至膝，舉足之時，隨足還起。

於一切時，自然而有曼陀羅華遍布其上，時有微風，吹去萎華，復引新者。

街衢殊勝

又彼天宮，四面各有大街，其形殊妙，軌式可觀，清淨端嚴，度量齊整。

宮門殊勝

復於四面、有四大門，規模宏壯，色相希奇，觀之無厭，實為殊絕。多有異類妙色藥叉、常所守護。

園苑殊勝

復於四面，有四園苑：一名績車，二名麤澀，三名和雜，四名喜林。其四園外有四勝地，色相殊妙，形狀可觀，端嚴無比。

會處殊勝

其宮東北隅，有天會處，名曰善法，諸天入中，思惟稱量，觀察妙義。

石相殊勝

近此園側，有如意石，其色黃白，形質殊妙，其相可觀，嚴麗無比。

※身相攝

又彼天身，自然光曜，闍相若現，乃知晝去，夜分方來；便於天妙五欲遊戲之中，嬾墮睡眠，異類之鳥，不復和鳴，由此等相，以表晝夜。

※資具相攝

又彼諸天，衆妙五欲，甚可愛樂，唯發喜樂，彼諸天衆，恒為放逸之所持行。

常聞種種歌舞音樂鼓噪之聲，調戲言笑談謔等聲，常見種種可意之色，常嗅種種微妙之香，恒嘗種種美好之味，恒觸種種天諸姝女最勝之觸，恒爲是樂，牽引其意，以度其時。

◎簡無苦

又彼諸天，多受如是衆妙欲樂，常無疾病亦無衰老，無飲食等匱乏所作俱生之苦，無如前說：於人趣中有餘匱乏之苦。

八熱八寒獨一近邊四地獄中。

ㄩ 別釋

ㄒ 輪王受樂

無有樂受者，無異熟樂及等流樂。三種餓鬼亦爾者，次上各說由外障礙飲食等，《決擇》此中無樂，唯言「三鬼，《決擇》即言一分傍生，亦名純苦者，傍生雖實，爾無別相可標，略而不說。●《世親》《攝論》說：有等流樂者，《唯識》第五會云：

「應知彼依隨轉理說，隨『薩婆多』等說，或彼通說餘雜受處，無異熟樂名純苦故，七寶中輪珠非情，餘五是情，輪珠二寶天帝所有。」

下應輪王，象寶，即前非天脇中，善住龍王五百子之一子。馬寶，亦是天帝龍馬。女及二臣，亦皆天帝之臣妾也。輪王化息，還死歸天，餘王王雖皆輪應，銀銅鐵別，亦無餘寶。北洲決定勝進者，彼洲定有生天後報業，無我觀前，修十善業故。「有處」說：彼有後報，業定墮鬼中。